

四  
憶  
堂  
詩  
集

四憶堂詩集卷之四

同里

賈開宗靜子 練貞吉石林

選註

徐作肅恭士 宋 舉牧仲

詠懷詩

二十一首 自注 丙戌作

虞舜昔端委安坐彈鳴琴薰風習習至貴適無  
爲心道高一何逸五絃餘清音玄化非有形柰  
何任鉤深

鳳皇自天來三顧頗迴翔羽儀肅威潔一鳴振  
清芳碧梧結秋實晚啄亦何妨嗟彼稻梁羣徒

以秦中腸予仞飛空虛胡爲籠與房岐周有聖  
人乃始下朝陽若非感玄德豈棲枳棘傍

千秋風雅堂入室蘇與李陰山夏飛雪酪乘寒  
愈旨漢恩誠不厚去留從茲始馬首陳鄙詞願  
過北平趾豈不戀故鄉高義愧君子少卿盛文  
采零落亦如此

種穀城西村夜出村西道聚落生炊煙場稼互  
收保明月照大荒零露寒宿草啾啾雙黃鵠化  
爲白頭老似言慶曆間涕淚洒清昊戰伐三十

年常思太平好

南方有美人永矢發清歌  
跋涉往從之蹇裳不能過  
豈無舟與梁晏安徒蹉跎  
精衛尚填海何況但江河  
蛾眉苦易盡黃金焉用多  
君子崇令名嗟哉老則那

奔霆激雲中長虹亘天外  
造化忽不常陰晴適以會  
君子安義命履順無顛沛  
紛紛僥倖子嗟爲寵祿害  
猶龍戒泰淫肯哉若龜艾

檜栢高參天常爲藤蘿欺  
勁心炤古色直幹無

曲枝柔條善依附瞬息密葉滋主人命剪伐焉  
知根不離運斤一以下去盡木乃腐

海燕春始來朔鴈秋云歸各生大塊間寒暑相  
因依既爲萬物母寧使本性違鳧頸善用短續  
之常苦悲甚感裁成慈所惜非天機見美乃亂  
羣玄造慎幾微

北風勁天地玄秋變此晨草木淹黃落墜葉紛  
一振朝露察危幾所貴在哲人張翰起歸思取  
與非鱸蓴懷實實可懼何況履要津君看金谷

貲乃使途路噴

希聲賞雅奏重器無繁音北里盛師涓麗曲妖  
以淫神鼎鑄金鑪懸寓久浮沉萬物貴同氣蜀  
桐實所尋但云叩不鳴乃使瓦缶侵

皎皎天女星雲錦爛七襄一織衣十人所寒道  
相望豈無乞巧術明河照縫裳尚方重絺繡費  
日刺文章蠶桑曠所業織婦徒倉皇唐風譏織  
手無乃儉德涼始知三五世機絲有餘箱

角里本農父言耕商於阿兩暘以時至歲月號

年和秋雯照禾黍微風岐穗多秦法重苛歛山  
深吏不過高臥長巖下乃詠康衢歌

步兵稱至慎常爲詠懷詩生逢魏晉間長醉無  
醒時發狂忽痛哭非不有所思謂天亦以高跼  
躋欲向誰微雨潤幽草榮枯各自知

羌本名家子雅志好詩書傑材傲棟梁美器重  
璠璵秦皇尚武畧卿相皆吏胥兩生相竊議坑  
者四百餘儒冠若弊帚瓠落爲散樗赴赴少年  
兒紛紛乘高車生無猿臂姿起視但歛歔

百年不易得至人重長生呂望八十餘乃爲文  
王迎左手仗黃鉞虎視竟專征親獻朝歌俘意  
氣何盈盈伯夷叩馬諫所見詎庭楹至今餓欲  
死日暮採薇英

長卿厭朝謁謝病遊大梁當其不適意零落似  
秋霜一旦奉使蜀高車何輝煌昔時卓王孫趨  
馬伏道傍文君本婦人擇交得鳳皇分財巨千  
萬先後若素蒼冠蓋固自貴乃以重綱常

黍稷在高陵含鬱如有思月令發晨風平疇默



四情堂詩集  
卷之四  
無私上與桃李蹊相間生華滋萬物各自媚誰肯獨後時

七國奉強秦辛衍來自梁陳情祠冠帶餒者日相望魯連感義氣矯首辭清揚諸君果致帝無乃謀不臧讒臣將處國孽妾當充房微軀不忍見東去委滄浪客卿聞此語豁然起膏肓一時願罷去大號竟微茫

高原落日黃蕭蕭鳴病馬似感主將恩戰死北印下放銜取故道至性益以寡天開收駿骨龍

種憶中野豈無芻與粟長淚盈羈把君子師萬  
物嗚呼戒苟且

往聞魯公扈有友趙齊嬰同時中疾疾乃就扁  
鵲營命坐飲狂酒毒死不復生探胸易府藏神  
藥感至精二子起辭歸兩室相與爭所以古至  
人感激貴天情人生有心期委形豈足榮一日  
中變化妻子難與明

楊布晝出門玄冠而素衣中途雨澤下倉皇易  
緇歸其狗吠發狂躑躅非故儀登茲犬馬心參

養懷膳私極賦興至誠好惡良無欺人生感新  
舊乃不辨素纒二十一篇氣格高逸逼李白詠  
古其瀟理者人選又其自然變  
化原道  
十九首

送故武衛趙將軍

遨遊誠遠志不可負吾廬祠祭還宗廟丹青有  
誓書絕矣杜陵勝處客心愁歲暮旅食稔才踈我自慙

冠蓋謀生誤荷鋤

任弟生日

令弟今年二十餘風流正復陸機初還吳不可

稱公子入洛祇宜駕犢車

情事藹然只是真酒  
朴便自氣運生動

債若貧從婦釀瓜田一畔卽吾廬

此又高岸酒  
脫之極凡題

位應有語  
無不到

華亭鶴淚因戎馬細憶全生在散樗

結語悠揚徐曰杜甫稱其弟皆曰令弟今集中  
令弟尚爲蒼水使諸篇是也陸機吳人吳亡乃

洛人

舊業

四首

舊業蓬門在艱難麥壟青衣冠存社鼓伏臘到

旗亭拙尚羞雲嶽

羞字從拙尚來是自愧  
意若看入高寄便謬

閒情

謝雨冷

北齊書雖復冷雨自天終待  
雲興四嶽以喻薦引推轂也

惟同諸父

老潦倒醉村醪

家世耕鋤地荒萊復幾春乾坤供老眼風雨落

秋垠

非杜陵不能

瓜種青門晚鶴歸白社新盈虧從

晦朔不敢怨靈魏

慙愧風雲際尋常牧犢還何當承帝力自分掩

柴關

一氣下骨清色腴

野膳新溪菜春漁曲水灣高歌

謝巢許只此對幽潺

非能存懶性高臥到羲皇龍衮才無補犧樽享

可商

商字委曲是三百篇意

北山餘翰墨南畝一繩床老

去平原裏黃梁是故鄉

漫興 四首

斟酌慙充隱

起便勝

天心適我容全生得近酒出

世欲聞鐘雪稻村春白霜漁細鱸鬆

點綴有胸次人所不

知秦灰曾不到日冷大夫松

村居耽僻性卽此遂吾初謠詠原無虎江湖不

碍魚道慙繩墨賤心愜牧芻虛

有道語

自信羲皇

上松風夢有餘

本自甘衰白幽居借解嘲當村流水近入戶野

雲交歲月諳牛後乾坤悟鵲巢

典重蘊籍  
意象俱妙

隣翁

時共語床上有羲爻

珍重茅檐好吾生願未厭過江哀庾信種柳學

陶潛用亢羣龍悔

經語陰確只是老氣故能  
之下句對正妙於開遠

息

機一鶴恬從來悲蒼素於此定無嫌

寄二兄

爾尚長安裏京塵滿素袍曲江新讌會騎省舊

郎曹

自注二兄崇禎  
末為武部郎

塞入黃龍盡秋從黑鴈高

此氣象  
不可少

好將上林賦景物數纖毫

村居和徐五作肅 三首

天捧金微日風高玉塞雲  
杖藜從正朔望宿憶  
新分鴈鶩謀方拙魚龍計自殷  
本無疏附畧非是畏移文

爲有終南徑撫躬日飲冰  
麒麟空玉壘鷄鶩側  
金滕白纈名堪老青蠅事可憎  
徘徊千載上塞馬亦何憑

嘆息虛名累當衢有薦章  
善鳴祇自誤散木得無傷  
道聖明農穩恩寬託寄狂  
犁鋤春雨外何



以謝黔蒼

幽棲

寄謝松筠客幽棲好任顛何當雲點染不愧月

嬋娟

用虛字每  
每入妙

萬事甘居後一樽自可前陳情

託綺皓爭肯負華箋

所謂好詩圓  
美如彈丸者

種樹

種樹南園好荒榛徑漸除荆妻時餉饅緩步詩

當車白水遙占座黃公竟定儲

二事用得高遠  
却自然但覺題

所應  
有

至今傳二老長遁亦何如

結語是

後春興 八首

村裏着處置閒身搔首高吟送暮春煙色解愁  
常漠漠燒痕無夜不燐燐狂於阮籍何勞哭醉  
似陶潛漫著巾

興會深至

寄語五陵同學客艱難衣

馬謝時人

昆吾氛祲不曾消西入咸陽百二遙

高敞

烏鼠山

空還放馬丸泥棧斷欲盤鵬

如此氣槩逼少陵諸將餘子不能

花門憶破三城戍禁籟或歸萬里橋

只一憶字或字若虛

若實忽遠忽近意境俱絕非眼前人所能道 聞道有年收京洛太平

何以獻歌謠

春光零落隔虞州  
泯泯雙江靜不流  
海氣山川

遙作國雲中  
龍鳳

富麗語却自閒  
遠只是格高

客星

憶傍嚴陵釣  
霸業虛隨范蠡舟  
一自鼎分俱寂  
莫側身東望使人愁

浩蕩詞源賦子虛  
西京臺榭欲何如  
月生苔院

棲金鳳  
雨過耕人得玉魚

棲婉而不露  
故自得體

萬里風

塵渾入眼  
百年身事白盈梳

擬得又  
復雄暢

當時曾到

昆明上御水  
東流太乙渠

曲水映青門身後安其尚有村

自註武安魏其也

石馬已精寒白晝金鴉似欲噪黃昏多情望帝

終思蜀無計神香更返魂

全體似羣山萬壑一氣渾成義山輩爲之

則不見滄桑變春色輿臺前日是王孫

漢家天子好文章金馬碧鷄白玉堂晚到湘江

終瘴地書成卦禪竟賞郎過時春色花如雪屈

指愁人睡作鄉

杜詩往往有逸氣故渾朴愈見高勝如且看欲盡花經眼莫厭

傷多酒入脣之類是也此詩接上伏下感慨沉着言外得之

氣象何曾于彩

筆不關絳灌也踈狂

永謝春明分亦甘素絲何意辨青藍常從野水

過溪北自摘新蔬到合南梅福無冠存漢社繞

朝有策課秦驂

二語如大海雙峯餘波迴瀾東入星宿

頻來三月

雙柑下臥聽黃鸝懶不堪

先朝雪苑盛盟壇徐應風情接建安一自衣冠

歸五嶺多時詞賦到三韓遙憐社日春盤細苦

憶花時夜坐寬

俯仰欲絕

昨暮經過吳裔宅

自注吳孝廉伯

也 齋 隔年煙草不曾刊

月

何故今宵月清光依舊圓不難沉碧海直欲到  
青天雲漢終無隔烽煙靜可憐

卽意卽景與武陵一曲同其勝

遠

受降城上望常似在霜前

又見

又見空村月春宵過雨寒不堪愁故國猶解憶  
長安漢妾烏棲淚秦封鼠谷九普天皆戰伐清  
照好誰看

除夜

四首自註乙酉作

何事年垂暮深慙鬢欲霜遭逢諳簡畧祖考恕

伴狂野賽兒童鼓田歌菹麥觴因風俱入耳隔  
歲是春光

寂寂驚除夜椒花逼眼明酬恩當獻歲頌聖已  
躬耕

忠厚  
纏綿

老計耽兒女同群託友生不知春朔

後何以謝柴荆

生事蒼茫晚王正報詰朝瘡痍驚臘盡戰伐想  
春消卜歲閒聽竈祝空懶折腰野入踈禮法遮  
莫臥東臯

只此晨鐘盡春暉漫欲然荒村仍建子舊曆已

經年曙色三江外雲城九塞邊幾回心力破不

敢問皇天

四首託情寄興有體有要非作者不能到也

正月初一日雪

自注丙戌作

野人生事信高天朔氣陰風雪滿田高回首千

村還縞素捫心入口且炊煙清才作賦慙今日

應節飛花似去年大有細憶豐時祝丙戌謾同

寒盡是虞瘡

我昔

二首

我昔寄維揚車甲正縱橫先驅渡大江簪裾粲



以映

語有風刺

飲至酌功高南風忽不競嗟予歸去

來咄咄信時命

鱸鮓適北流汪洋意鱖鱖迢迢天路長雲影六

月濶大小貴逍遙鯤溟何不脫勞尾泣施鼠使

我心目豁

賈曰弘光元年侯子從興平伯高傑北征傑死復返廣陵按是歲五月豫

王師至揚州諸將奔海陵已而來降侯子歸里傑故部曲大帥李本身等前驅渡江克金陵十月隨至京師此蓋侯子歸里而以勞尾謂諸藩傑也

去住

去住從簷尹幽棲愧命衡尊生聊任懶計拙得

逃榮

拙字妙

郢市歌無侶蘇門嘯可并神龍嗟有

欲長參不辭烹

奉送王將軍歸田天城

送爾天城去深杯照眼濃風蹄寒首荷劍氣老  
芙蓉醉尉憐新戍開關愴故封逢時慚用武瓜  
畔好從農

遁迹

遁迹遙岑外結廬問具茨隣村時見火荒戍夜  
聞鷓遣歲花舒葢埋憂黍作糜忘情到寒暑慚

愧說爰咨

聞彭別駕亡

別駕詩名久由來故老傳一官纔自累九謫不  
辭顛典則蘭臺令清真竹下賢心房收聞氣消

息玉京邊

賈曰別駕彭堯諭也著詩有西園滄浪諸集萬曆間與國子祭酒侯恪齊

名崇禎十年為南康別駕有高韻不事上官督餉侍郎張伯鯨徵符至堯諭怒折之曰此戲具中物耳坐免十五年劉超據永城叛誘殺河南巡撫王漢堯諭以詩弔之誤者以為諷入奏下覃懷獄斷鍊久乃解堯諭詩曰敢奮螳螂臂輕傷節鉞威甲光隨雨點將氣入宵微自分前驅往誰令輿襯歸不知身予敵長使淚沾衣螳螂蓋拈起也

張叔夜祠

忍死雄州地白溝草色青前朝俱大漠遺像只  
空亭一氣雄渾痛定乾坤淚血流日月腥可憐南渡  
後不復問燕銘

南岡

旭日發清煙獨步南岡早翼翼壟中苗脉脉原  
上草萬物感天慈非爲田家寶逢年力稼穡樓  
首問晴昊我畝服先疇勗哉念祖考是漢魏

題韓叔夜膝廬四首

韓生結膝廬閉戶託一枝中夜思夷門顧我垂  
老時再拜感君意贈君膝廬詩

韓生結膝廬危坐彈鳴琴載彼途路子乃爲商  
與參鳳鸞愛其儀不棲惡木陰

韓生結膝廬歲暮賦郊居近聞沙堤行忽摧廣  
柳車嗟哉百年身努力冷芝蕨

韓生結膝廬乃在臥龍原苦吟懷大畧隆外日  
覆翻歸去詠鄙詞此意本忘言

四首只數言結  
構而包含無際

愈淡愈渾  
是最上乘

詠古五首

荊州形勢控南屏，魏武東來若建瓴。

起 輕練曉

浮吳氣白，荒煙晚抱楚痕青。

淡 菁茅空篔簹，愁難

問

大若垂天之雲

鸚鵡芳洲酒易醒，逝矣莫言匡復事。

景升末路付昏冥。

萬丈天峯削劍門，懸雲盪日亂朝昏。江流白帝

原通峽隘失黃牛，莫問源但使綿叢猶漢鼎。依

然隆準是文孫，譙周自信能知命。夜草降箋答

主恩

不明明說壞譙周風人諷刺之體

龍麟當年老尉他海隅不分俯煙螺天襟雉  
星辰異地枕鮫宮翡翠多秦帝滅時灰正冷漢  
皇書至鬢先皤

三字言  
外英雄

艱難西向渾一拜慙愧

陸生佩劍過

全首  
高壯

新豐夾道未央前一劍雄風二百年昏夜龍號  
分赤白東西王氣互雲煙春開小陌邀張放歲

讌雕題賀董賢

云以細  
人亡國

九葉太平垂拱日離離

禾黍炤原田

赤眉初過帝城空萬井蕭條在眼中烏鼠春窺

西谷穴芙蓉秋對灞橋風村翁有髮居然白宮  
袖何顏強自紅曾記中元初建子普天賜酺與  
民同

五首可匹獻吉秋  
懷而其感特深

聞警四首

遙望欃槍外平臨肘腋前渴芒斜睨漢妖焰夜  
橫天不道纏青兗猶能俯瀾灑王師終廟勝細  
擬奏甘泉

豈容天塹地戎馬却秋郊狐火吹三輔烏飛黯  
二嶠律應驕左次啓或慎前茅勉矣黃河曲馮



夷助斷蛟

莫怪王師過河陽  
大合圍長年防玉塞  
此日出金徽  
凱奏青蛾歛  
勳旌白馬肥  
從來怨楊柳  
應許賦無衣

結語直數回  
諷詠不厭

上將軍中畧專征  
閫外任驅除  
終帝力底定  
自天心小墅  
鼙鼓走高堂  
蟋蟀吟猶煩  
數遺老永夜立清砧

四首少陵  
之得意者

感懷口號十五首

寸絲一粒天王貢  
舊賦新徭長吏恩  
歲費金錢

兵不滅檄符莫怪夜呼門

保障功高競出財東京舊址起樓臺奏章博得  
冠紳上卜式非情信可猜

霏霏春雨盡扶犁直到先陵寢殿基稼穡相傳  
王業地粢盛誰貢大田詩

景畧當年捫蝨談逸才獨步老兵慙金刀一起  
江分左玉屑何關晉已南

天閣掄材欲拔尤相憐等輩各淹留經綸自古  
歸屠狗輦下何須識字流

陳餘張耳功名薄向秀王戎意趣嫌吾道艱難  
爭末俗市朝恩怨莫相兼

專城租稅輕馮煖薄俗公鄉重灌夫爾輩古人  
何所似暫來就食亦良圖

欺人日午饑梟語壞壁月明恠鼠驕安得秦灰  
重不燃依然社火事耕樵

梁雍兩地各防秋殺將覆軍戰不休六詔衣冠  
輕漢禮三羌旗幟掩秦溝

澤畔行吟帝關高靈均憔悴寄離騷幸留山野

容閒放稍待秋風覓酒螯

漢閣招賢翠羽簾一時霖雨慶新霑猶煩寸紙  
空函否爲道蒼生意未厭

六州荐食原秦旅三窟狡謀據蜀江勝筭王師  
多不戰專征之子已招降

更築長城豈偶然從來設險衛山川龍蟠日月  
交伊洛龜卜東西食澗瀍

高峰儉歲日相仍公子王孫尚五陵七尺珊瑚  
輪石季萬錢餽饌費何曾

銅駝背洛綬綬臥羣尾垂秦焰焰饒共問守龜  
新兆在草茅洒淚只儒衫

送前朝沈職方遠行

自有人憐阮籍途憑君長缺到神都夕陽蝶雉  
依然在莫向前程聽鷓鴣

蘼蕪激昂聲情  
俱杳然無際

寄佟都督

連山跨海劃天關萬里提封掌握間早辨風雲  
心力破平扶日月鬢毛斑先朝顧命元功在中  
旨頻褒百戰還舊澤新恩俱殊賜千秋誰數灌

滕班

歲暮雜詩四首

莫遣催漕吏逼除夜到門猶然紆國賦展矣識  
天恩歲計閒薰鼠春饑慰采蘩野農方自足不

解頌姜嫄

結句大雅渾成  
三復始覺其妙

厚賚何勞問休兵慎自焚艱難錫勇國容易虎  
狼羣換歲賢王雁朝正侍子纒遙知天仗內譯  
語幾迴聞

餘波  
宕漾

底事畿南盜經年上首功天容狐兔窟王赦馬

牛風岱海連波黑青齊隔燒紅由來十二險用  
武自非熊

定解青陽疾冬曦不可停聽兒償社賽逃歲憶  
郊垆已分頭能白幾時眠暫青除非過徐子

自註

徐子作  
肅也

高話落參星

三四開遠逼少  
陵襄陽諸作

過叔氏別業

信有吾廬興悠然到隱居蜂房新荐蜜春沼舊  
藏魚白日塵偏少綠樽醒不如可能留客住投

轄已無車

開闔一氣

喜六兄舉兒

近喜衡門客棧遲更有兒風塵存驥種澤國自  
蘭枝村衍荀龍宅人傳謝鳳詩孔懷誰復切潦  
倒付深卮

全首穩妥一  
起真氣撲人

寄陳將軍

聞道乾坤更用兵天南高臥倚長城神京左臂  
曾安枕瀚海前年想繫纓

內府何時賜錦袍從軍不易建旌旄天閑出塞  
龍堆遠羌笛臨秋漢月高



四憶堂詩集卷之五

賈開宗靜子

練貞吉石林

選註

同里

徐作肅恭士

宋

學敏仲

高都督凱歌四首

大將威名二室高  
凱歌飛奏賜雙旄  
弓開秋月臨熊耳  
馬散春陰靜虎牢

中原千里敞平疇  
坐鎮長驅古汴州  
禹甸豈因形勢險  
堯封總寄淖圖收

軍令分明下宋都  
平沙列戍隔昆吾  
心垣影靜

四情堂詩集 卷之二  
纏天狗火帝祠陰起夜烏

十萬銜枝盡渡河親從帝子靖鯨波巢平大陸  
黃雲散陣破中堅黑夜多

過洛陽贈高都督

瀍水西環澗水東坤輿千古想雄風中分二陟  
周王地半接三秦漢帝宮乃眷元戎來作鎮肯  
教天府不論功從今職貢經過處盡指洛陽關  
會同

別徐大隣唐

吳越三千里江湖一再遊  
逢人惟短鬢縱意有  
孤舟遠火霜林岼危星  
驛戍樓永言謝知己回  
首嘆淹留

再別宋二舉

盡此一杯酒詰朝賦遠遊  
客中過舊國歲晚付  
輕舟橘柚紅漁浦星辰  
白蜃樓懷人殊漭漭不  
敢更淹留

四兄事雪後却寄

郭西田畔老何事白門行  
平世無冤獄還家有

更生舊遊桃葉渡卽次石頭城閱歷十年盡慎

休作意鳴

詩貴鍊字每一二字鍊便覺全首精采如結句中休字是也

再過宜興贈陳四丈貞慧

八載宜興道重登百尺樓江山開笑面圖史秘  
林丘南浦芙蓉老夕陽菡萏秋相逢一杯酒華  
髮各盈頭

示顧孝廉宸

每向梁溪憶盍簪直憑秋水到江南十年相見  
無勞問京國風塵過已諳

贈觀察原公

巍峩開府鎖煙臯南顧長城屬節旄海氣三山  
晴不動江波萬里月還高

何等  
氣象

風人記事多銀

管揖客投詩重木桃

接又  
瀟酒

忝竊通家陪趨走幾

迴搔首愧霜毛

晏原觀察生日席上作

暇日開筵賦客題枌榆舊國自關西嶠靈風雨

參墟遠峯氣盤紆鬼宿低

高  
勝

伎出秦聲聞擊缶

珠明漢閣坐懸藜澄江本是烽煙地須放笙歌

厭鼓鼙

結句遠遂爲此  
等題出落千古

陽羨歌答陳生

自註陳生維崧處士貞慧  
子也有詩名湖海樓集

陽羨煙雲如青靄其中舊有湖海客自言高臥  
三十年不曾下樓問今昔君不見北海才名當  
盛時區區禰衡真小兒正使鸚鵡解人言焉知  
元龍是吾師曾登銅雀臺十里柳花似雪芙蓉  
紫漳水東流鄴宮盡人盡爲魚亦如此黃塵不  
到高樓中中原回首起悲風我穿麻屨再一來  
衰顏羞映珠槽紅四座狂呼一斗許更脫阜帽

君無當今惟有孟公家投轄留賓出館娃頽  
然庸遽短豪氣舉頭仰視漢已斜君不見大梁  
侯生遊吳越霜吹兩鬢侵馬骨人生相見如參  
商細記壬辰冬十月

種松歌贈陳郎

自註陳郎余幼婿處士貞  
慧子也

種樹當種松生兒當生龍松能叅天三百尺龍  
能騰地九萬重君家少子無乃是出揖丈人何  
從容眼光奕奕逼我寒問所讀書音如鐘十歲  
抗首復伸眉其意頗不屑吳儂君家少保古哲

四憶堂詩集

卷之五

四

人

自註少保公于  
廷陳即祖也

我欲見之恨無從爾翁當時

稱有道今住青門老爲農五陵佳氣詎遂無善  
卷洞口暮採葑高義乾坤誰識得定知有爾亢  
其宗君不見洛陽桃李媚春風三月開花作意  
紅轉瞬落葉已辭枝惟有霜皮傲崆峒又不見  
鮒魚數寸口鴟鴞陂澤江海不相通纔欲過河  
旋涸轍安知首尾接空濛

寄賈三丈開宗

故人華髮今如許冉冉修名六十年藥餌須防



身尚健酒豪莫遣興還顛傳經有子羞劉向被  
襦一官笑鄭虔却寄先生珍重處老養不必更

逃禪

乍看之亦自索莫不着三四諷詠在獻吉閒適諸作之列真老境也頓挫清麗

澄江贈高顛孫

相過兵燹後猶得見顛孫坐久傷金屋酒酣憶  
瓦盆濤聲迴岸住秋色隔江存此地多豪氣君

家第幾村

練曰澄江今江陰乙酉金陵之變惟江陰固守八十日不下

贈徐君銓

傾蓋一酣醉高霞落晚楓江東新塵尾城北舊

徐公賓從劉曹侶文章鮑庾工匆匆恐別去問  
訊幾時通

贈許山子

山子知名久  
恰巾一少年相逢秋水曲共對玉  
壺天客嘆侯嬴老人推許劭先

自然精切漢家今運

盡曾識幾才賢

遊吳遇李校書四首

自註校書舊出楚宮

回首江城隔碧霄  
兩行雲雨楚王朝武昌  
今何在夢裏猶聞說舞腰

零落衫裙到芰荷  
湘靈皎月照愁多  
停舟曾向潯陽過  
怕聽當年太傅歌

懷旋不堪多讀

楚些吳儂更憶誰  
傷心不盡是蛾眉  
姑蘇惟有寒山寺  
莫擅貞娘數首詩

此豈徒贈校書者

一夜笳聲滿漢東  
寧南歌舞當時空  
從君紅袖徵遺事  
費盡薛濤漉紙工

命意千思萬索遣調千錘百鍊

### 贈校書歌二首

伊州過犯早銷魂  
按拍纔終願一言  
相逢莫話開元事  
曾受先朝進御恩

吳統移子越羅裳白雪新詞舊擅塲共向西陵  
臺上望天風吹落淚千行

放歌送校書一首

大江東去浪淘沙神女祠前起暮鴉今日思鄉

歸不得洞庭深處有蘆花

以上七首自爲一格  
何等風神何等懷抱

須具如此手眼乃許  
作此題觀者辨之

哀辭九章

哀辭者感羣公之既沒而作也倪周二公

師也練公父執也史公世舊且明存亡所

係也張公以下友也哲人既萎情見乎詞  
李公以雄才終於卑官抑更傷其志有難  
言者用附於末蓋亦少陵之哀鄭台州云

爾

戶部尚書翰林院學士倪文正公元璐

上虞倪司徒廓清起東浙

廓清字有深意

弱冠事墳典

探討窮禹穴長嘯兩京巔魏晉皆丘垤賦生大  
王風歌入郢客雪屬當啓禎聞國華威以子公  
乃振雄藻海內才人悅小子早汨沒蔽黼瞻采

纈葑菲曾勿遺許在絳帷列入室進所製吐哺  
手自閱歎曲命我坐不惜殷勤說幸從上虞遊  
上虞有大節權璫昔障天熹宗照臨輟乾兒復  
義孫羣笑左楊拙

自註左公光  
平楊公漣也

天下重朱炎大

白黯然涅慷慨西江闡發策願一折文章砥迴  
瀾昏夜忽昭晰一策一千字光芒淚與血藏之  
二年餘精感帝座徹更陳要典書聖世當焚蕪  
春秋明是非忍使三綱絕夷跖混一堂奈何無  
差別星星且燎原死灰非易滅果有呂純如嘗

附瑤瓘熱赫赫張少宰援手長其藤公坐鳳皇  
池乃復生屈軼叩闕十旬爭奸相心憂悒授意  
鷹犬羣所恃七貴孽讒諂蔽聖明中旨賜公玦  
自公出國門皇途日兀隍調羹不得人坐使金  
旣缺手淬昆吾鋒滅賊氣蘊結主辱已當死况  
逢卜曆竭志在殉社稷君臣同一轍靖獻皇祖

前萬古須臾決永謝江左賢中興無泄泄至今

天地閉誰弔荒祠碣

練曰倪公上虞人天啓壬戌登第有文名清江楊廷

麟臨川羅萬藻皆所取士侯子嘗事公爲弟子  
公丁卯典江西試發策詆魏忠賢不少屈戊辰

改元首上疏論三朝要典初吳江人呂純如以  
附瑞列逆案烏程相國溫體仁嘗陰主之吏部  
侍郎張捷遂更薦純如可用公又力爭烏程怒  
欲逐公而東班無肯言者乃授意於誠意伯劉  
孔昭劾公歸癸未起公兵部侍郎兼學士時有  
警起兵入衛入都拜戶部尚書未幾李自成陷  
京師公殉難

死謚文正

右庶子周文節公鳳翔

昔我到陪京謬忝文章伯追隨鮑庾羣顛倒陳  
徐客誼達文忠前傳取侯生策方坐讀之起起  
嘆聲噴噴此當洪濛遊何鍛榆枋翩趣駕過陋  
巷相對飲一石來時鷄鳴曉去已鍾山夕是時



文節公方正國學席辟雍近萬人公有師表責  
志貴訪一士驚倒金陵陌盡願交侯生廣厦坐  
嘗窄我思特達知不曾聞今昔豈料京洛塵忽  
滿豺狼迹燥山殿火紅

白註思宗皇帝  
駕崩于煤山

璇室落

星白公爲侍從臣願負鼎湖魄當日卿與相已  
盡化巾幗殿上是何人忍復手加額公乃齋向

拜辭親託素冊上寫忠臣字下註孝子籍此道

本兩全借口良踈踏

練曰周公已卯爲南京國  
子司業侯子時以太學生

受知於公公嘗先訪侯子寓痛飲侯子往謁相  
與講釣敵之禮不使在弟子列舊例太學生真

司業隔絕甚都人異之甲申三月公爲右庶子  
燕京陷從容奉書辭其親乃殉難死諡文節

### 兵部尚書練公國事

練公位大臣生平恥厚祿敝廬隘城隅盤餐惟  
麥粥未老身何羸蒼生無此福熹宗好拱默有  
相實覆餗早朝公留身跪進金鏡錄聖心決去  
留但視慝與淑勿使中貴聞博叢慎借木直聲  
自此彰小人皆側目又爲青宮案欲窮魑魅族  
薰燒忌城社狐鼠方輯睦誰敢攫其鋒公獨  
勳逐道窮志不伸羣陰在內伏乃與司徒

時歸澗谷戊辰帝星明妖璫西市戮爰念耆舊  
賢賜公返初服其時烏程相意趣本縮朒忌公  
與司徒璫在怨已宿出公撫西秦驕兵聞令肅  
赤眉次第平重奠咸陽隩督府相私人通賊縱  
貪黷宣言賊復叛因公殄降速是日緹綺來秦  
人徹天哭荷戈桂林郡丞相恨始復炎瘴冬轉  
熱野花開樸檝日落過象祠空山叫鷺鷥回首  
春明門華胥遊正熟豈知李貓兒不見長安覆  
建業况馬阮何以整坤軸亦審非我儕所期匡

百六荆棘立銅駝原野走羣鹿遺表淚滿襟冲

霄氣猶煜

宋曰練公永城人與侯子父司徒公同登丙辰進士第相善公爲御史嘗

疏請分別閣臣去留又追雪王之案發張差一案而劾韓浚等掌丁巳察典探官禁旨誣點之

案不公爲浚黨趙興那所攻坐以趙南星私人削官歸公既敢言烏程相以門戶不合素忌之

烏程嘗頌權璫魏忠賢定逆案時偶漏網得入相乃必欲殺公與司徒公不已公撫陝西有戰

功而總督陳奇瑜以撫賊敗私於烏程相更以其罪坐公誦戍廣西公有德於秦逮日秦人追

送大哭甲申弘光立起公兵部侍郎公欲不就已而念燕京陷沒太巨無不觀新君禮未幾進

尚書與馬士英阮大鍼不合鬱鬱病卒公仕三十年至大司馬猶僻居以居天下稱其介云

少師建極殿大學士兵部尚書開府都督淮

揚諸軍事史公可法

萬里飄黑雲壓摧金陵郭

起高

鍾山熊羆號長

淮蛟龍涸慘澹老臣心望斷紫微落千載史相

公賁恨凌煙閣相公金臺彥早年起孤弱爰出

司徒門深契管鮑託文終轉漢漕殷富感神雀

高望著經綸宸眷良不薄南顧鳳陽宮卜曆實

舊洛帝曰汝法賢往哉壯鎖鑰二陵堂構基更

爲塗丹雘鎬京重樞密論功酌開擴福邸承大

統倫次適允若應機爭須臾乃就馬相度

自注馬相

士英也。坐失綸扉權，出建淮揚幕。進止頻內請，秉

鉞威以削。

一時得失與亡具此

當時領四藩，皆封公侯爵。

飽颺恣跋扈，郊甸互紛攪。從來梟雄姿，駕馭貴大畧。鞠躬本忠誠，報主惟澹泊。譬彼虎狼羣，焉

肯食藜藿。

豈徒吟詠語

二劉與靖南，又受馬阮約。惟

有興平伯，末路秉斟酌。志驕喪其元，乃緩猛獸縛。遂起廣漠塵，負岫氛轉惡。相公控維揚，破竹傷大掠。三鼓士不進，崩角何踴躍。自知事已去，下拜意寬綽。起與書生言，我受國恩廓。死此分

所安惜不見衛霍

爲史公如生

子去覲司徒幸爲寄

然諾白首謝知己寸心庶無忤再來廣陵城月

明弔溝壑

懷然

嗚乎相公賢汗青照鑿鑿用兵武

侯短信國如可作

稱量確當賈曰史公燕京人崇禎中爲戶部郎與同官何

楷倪嘉慶皆爲司徒公所拔嘗曰三郎官皆君子然史君功名後當過我公感知己事司徒公

爲弟子已而出爲安廬監司進淮揚督撫視漕皆有績用甲申燕京之變公爲南京兵部尚書

掌機務時弘光以福邸當承大統倫序無可易者公以強藩在外不卽決乃就鳳陽總督馬士

英謀之而擁立功盡歸士英矣士英尋引用阮大鍼嫉公異已出公以閩部督師淮揚公忠誠

清謹嘗食蔬素屢上疏抗陳大恥未雪廟堂不宜荒縱天下誦之然短於兵畧不能駕馭諸將

東平侯劉澤清與平伯高傑靖南侯黃得功廣  
昌伯劉良佐并建四藩皆爲馬阮所用傑後以  
疏救劉宗周鄭三俊等溺馬阮怒乃更歸心公  
會經畧中原至睢陽爲許定國所殺定國遂來  
降導豫下兵南下公守維揚諸將不肯戰公嘆  
曰事去矣侯子避大鐵之難在幕公語之曰南  
京固無可爲者豈孝陵在天之靈不能使將士  
一跨江背城耶可法任兼將相當死子書生也  
當去倘見司徒公幸爲謝生平知已今庶無愧  
城陷公乘一白驃出意以南京尚在欲有所爲  
也旣被執公不屈死徐曰論者以史公無愧純  
臣而用兵非其所長故篇終以武侯信國對酌  
之許

翰林院庶吉士太倉張公溥

張公負人望其時尚草萊意嘗陋殷浩况肯託



鄒枚南國賦秋水北海樽以開滄溟雖遠瀾比

氣盡一來

逸氣

道大處士羣居然隱鹽梅勉力追

正始東林有廢隈斯文本吾任千載亦悠哉羽

翼何燁燁助國育賢才辛未遊帝都振衣陟崔

嵬對策白虎殿賡詩栢梁臺先進競識面後起

願取裁文姚皆大賢

自註文公震孟姚公希孟皆公鄉人也

親許

輔世材以茲聲名盛轉爲異已猜湖州結伏陰

自註湖州溫蔡里也

其中兩毒虺內舒障天霧外通燭竈

媒

筆力矯然

衆穢凌孤芳誰爲感風雷遠訊梁園生

領袖猥見推歲寒颺謾勁回一陽灰非羨禁

門醫所慶連茹杯詎知皇運替大厦先已隕易

簣藏衣冠漢儀乃塵埃

惋惜語却有爲張公慶幸處

至今帝

座垣猶自暗三台

練曰張公爲諸生以天下爲已任追念東林先賢慨然欲

復之辛未登進士第文公震孟姚公希孟卽以公輔器許焉公以庶吉士家居爲周之夔所誣將罪以變亂漕政賴司徒公覆疏得解烏程相必欲構之乃主蔡奕琛許公復社朋黨引諸生倪襄爲証襄慷慨就訊堅不肯承會烏程去位旋卒獄以緩方初起時有欲求解於阮大猷者侯子在金陵貽書陳其不可公得書嘆曰吾意正復如此侯子乃適相同真及俊之領袖也後思宗悟欲大用公而公已卒乃下詔徵其遺書焉

考功員外郎華亭西夏公允彝

雲間面大海襟帶三泖濱陰陽盪潮汐往往生

偉人

寫來  
氣繁

夏公年弱冠早充觀國賓奇文有羽

毛天下傳鳳麟曲高和者寡乃遭巴里嘆六入

春明門帝關何嶙峋蹉跎四十餘猶自泣卞珍

更懷不朽志著述大業伸左携陳子袂右綴李

生巾

自註陳公子  
龍李公雯也

共闢荆榛路周原無風塵

高  
渾

復駿  
逸

遇我燕市內呼酒意彌真歸贈華亭鶴俯

以秋風尊鶴唳與尊羹遠歷復清淳澹交有至

味味盡道不淪

在陶李間

君爲山巨源我託劉伯倫

回首建業城同是放逐臣

自註公爲馬阮所忌解官歸余是日亦避

難出金陵浩然歸舊廬結廬煙水隣梁上懸一幃皆

知吏部貧鶉衣拜伏臘驚聞改曆新上有釣鰲

客下有洗耳民委蛇誠未可何難投巨津故人

自此逝含淚十年辛

讀結數語直欲泣鬼神宋曰夏公年二十二舉孝廉

有盛名六上春官不第乃慨然有志於著述時陳公子龍李公雯皆後起公首倡之天下文章之宗歸雲間焉丁丑舉進士歷官吏部員外公有經濟大畧兼爲清流所推重阮大鍼惡之解官歸乙酉金陵之變從容拜闕畢赴水死

太學生貴池吳公應箕

吳公挺人傑家在秋浦曲  
早紉薜荔衣兼嗜丘墳篤  
一笑燕雀羣翩然冲黃鵠  
嘗過金陵遊公卿欽瞻矚  
孔融空許洛揚雄擅巴蜀  
氣槩託杯酒文章洗雕褥

自然飄逸

廓然示周行譬之長夜燭

沛然飫殘膏譬之儉藏粟  
名高氣轉降撫躬頓

自勗

見道語

寧爲澗底松甘藟璞中玉  
賢者出有

時躍冶祇取辱我聞貴池言  
再拜肅忠告當時

秉國者前歷鳳陽督

自註謂馬士英也

潛引皖莊子

自註

謂阮大

謀害清流酷吳公肆怒張奮義盛抵觸

彈指叩米山目中無大纛黨錮至今榮願下范

滂獄但傷漢運終不竟銀鍊局

撥落不測却寫  
出心事人品

吳公徒步歸棄其妻孥屬長及斬其林雜幟毀

其禱連合羣少年草草一結束聲言取九鼎重

復還郊廓江波水何清江干日何旭照徹吳公

心七竅環相續豈不知非敵忠貞從所欲

神氣  
生動

千古廢陵走麕鼠荒殿巢鴟鵂六朝建業城婁

涼百草綠昔日豪貴兒駒隙哀短促後死秉銀

終逆叙山陽錄特書吳應箕千載愧頑俗

練曰吳公

爲太學生嘗攻阮大鍼與侯子素善後大鍼得政與黨人獄必欲殺吳公及侯子吳公語侯子曰今有欲吾輩謝大鍼可轉禍爲福者豈不爲范滂所笑哉會寧南侯稱兵聲言清君側而豫王師已逼獄乃解吳公歸起兵戰敗被執就刑語刑者曰吾死勿去吾冠將以見先朝於地下也談笑而死

兵科給事中青浦陳公子龍

陳公湖海姿本出簪纓後逸藻驚老宿少與考功耦文成經國編制作憤不苟儻視翰墨林雕蟲復何有啟禎論才子推公爲之首白眼燁奔

電照人刮塵垢當其投分交誨然溢真厚

陳公鬚眉

肝膽如見

贈我宣室辭

徐曰公寄侯子詩有漢家宣室爲君開之句

陸離

比瓊玖高冠曳長佩道直忌羣醜小儒引繩墨  
紛紛避却走反歸簡傲名不滿時流口延津會  
有神望氣遇黃叟

自註黃公道周公之座主也

拂拭光燭天

紀歲在丁丑驅車會稽山禹穴相待久中藏洞  
庭書鳥篆蒼玉紐旁有採芝翁取來繫公肘博  
物窮天地大業益竒負徵入芙蓉省依遲建章  
柳金鑰夜一鳴東方爲戶牖矢陳臯夔謨早朝



尚星斗補袞曾不供生平未全剖無術謝權奸

愚慙負我后

委曲  
沉摯

掛冠延秋門託病栖畝致

主志已違况乃覲陽九考功先投淵傷哉左右  
手和歌高生筑餞送荆卿酒長箋奏地下端不

欺杵臼

跌宕淋漓足使  
摹擬者氣盡

後死欲有爲成敗事皆

偶斷頸何足惜固其含笑受萬卷識是字文人

非無守從來誦輕薄賴公重不朽

爲千古吐氣  
練曰陳公父

所聞已未進士公少有選才文章雄麗明詩自  
袁宏道鍾惺後失其正傳天下不知風雅公與  
李公叟力振之卒歸正始公爲人高視濶步不  
可一世下丑登第出黃公道周門官紹興司李

歷兵科給事中所建白皆安危大議與馬阮不合謝病歸乙酉金陵之變夏考功先死公爲長書焚考功墓前述已所以未死之意期不負夏公已而事露當事者訊之公曰何必訊事皆有之但惜未得就耳不屈死

中書舍人華亭李公雯

人生感遭逢何止參與商故人悲素絲黑白不相妨食魚必魴鯉娶妻必姬姜請聽蒿里曲薦

哀君子堂

真氣哀音不知所自讀之但覺悲風四起情文相生想見友誼自註李公

嘗自題其居曰君子堂

李公起雲間文賦久擅場摘藻風

雲變探源崑崙長天才紛艷發弱冠卽老蒼海

內傳一字珍重若珪璋眷言千秋業尤在百行  
臧雅志託皎日變態矢秋霜自矜隴西姓門閥  
無敢望一歎少卿辱再笑太白狂

超忽自在

天路九

萬里長駕有驕驍朝發宛城野暮宿金臺廂壯  
士重遠到伏櫪未嘗忘豈知蹉跎久白首終爲  
郎秋月照粉署殊非舊明光仰視天漢星淚下

不成行

氣調通蘇李不  
止善於陶寫

我今朱顏醜何以歸故

鄉鬱陶發病死誰當諒舒章

自註李公字舒章  
賈曰李公少與陳

公子龍齊名天下謂之陳李才高不遇父逢申  
遣戍公走關下上書陳寃已而從父官京師甲

申之變不得歸順治元年授官中書舍人一時  
草創詔誥大文章皆出其手假歸道過淮安故  
人萬孝廉壽祺以僧服見公望之位下  
曰李陵之罪上通于天矣未幾病死

澄江過韓氏園亭四首

不訪幽人去安知野興長江城連薜荔秋色到  
衣裳檻外收平楚杯中落遠檣登樓一萬里醉  
眼卽吾鄉

遍種東籬菊淵明意若何花經衆玩盡香是無  
名多海日開金粉江妃立素波我思三徑外一  
採愧蹉跎

寂莫憐官閣迢迢憶嶺梅豈知千萬樹都向歲  
時開江月愁中笛春城醉後杯新詞倘入破不  
敢讓清才

窈窕澄江宅何時再問津君山分楚國角里避  
秦人鶴性閒能識鹿羣老更親晚來秋興起直  
欲到鱸蓴

四首不減何  
將軍園林

君山

自注春申君  
葬此故名

曾到君山頂上看春申一去草漫漫秋光落水  
星辰動梵影懸空嶂岫寒自古南風嗟不競幾

時西狩淚還乾

懷抱可想

相傳三楚稱雄日彩袖憑

軒十二闌

晚登君山大風望江

返照登君山下視江千里大風捲潮來衝波波

立起日淡鰕眼紅水深龍宮紫

警語險况

有客吹鍊

笛一聲玄雲駛再吹老魅愁三吹新鬼喜

奇庶

幾戰死鬼叫出沉江底

讀至此涕淚千古

回首

回首沾膺一放歌十年羞說舊鳴珂漢家公子

五陵盡魏帝詞人七步多感慨情深鵲寄南枝驚赤  
羽龍蟠北陸走黃河徒憐昔日梁王苑老向夷  
門嘆逝波

答任王谷

下馬臨床快一逢文人誰似彥升雄東朝舊事  
賓還在北府新詩調最工朱雀兩桁懸皎月烏  
衣雙燕坐春風繁華語寫出淒涼同時不憶今寥落沈  
范徒高佐命功

四憶堂詩集卷之六

賈開宗靜子 練貞吉石林

同里

徐作肅恭士 宋 犖牧仲

選註

章皇帝御筆歌

宣宗御寫三老圖峰石澗松勢相扶其下水流  
若有聲遠聽湧濤近卽無神妙我聞丹青有神氣

况是天翰灑宸謨白練生風朱璽寒采鳳腎空  
蒼龍呼其中規模瞬息定至今想見山河紆何等

位

豈期鼎湖二百年此畫出宮久流傳此畫猶



有人寶惜非寶故國寶雲煙

嘆惋  
欲絕

濠上寢宮生

秋草天壽近聞爲賜田賴有宣皇能繪事見此  
百感翻淒然看畫未畢心如縷整衫下拜頭空  
俯同時拜者有陳生更有吳幕周少府區區兩  
生兩小臣洒泣奎章何所補甲申長安勲貴人  
不憶列宗與二祖

老梅行贈韓翁

蓉江雪苑三千里皆聞此梅老無比

起語  
奇

裹糧

策杖願來觀春花已凋秋早寒主人謂客莫憫

怪喜君神氣頗閒放解看老梅何須花須花不

得梅槎枒

神會語人不能到

我種此梅忘其歲怪石拱

立如叅帝虬龍棲枝時一吟嬌鳥善啼無敢侵  
護香猶是前朝窟照影不關今夜月十年曾起  
翻江風百草零落江之東惟有老梅幹如鏡強  
項負氣睨長虹未幾沾酒作微雨潤徹柔條與  
低叢霜繡筵圍亦不知只是尋常付化工風威  
雨澤兩無用艱難乃復保吾終幸君說向看梅  
者看梅須看根不同看梅須看根不同紛紛盡

道青陽功至今芳樹金縷子淒涼愧殺羅浮翁  
寄蕭三丈啓禎

三丈心期在別來歷歲時常煩過老父頗慰教

癡兒

真如說話

繫馬梁南郡登堂漢北司皆言君有

後他日大吾支

寄宋二學

頻夢白華館客思歲序中顧榮猶閉戶孫綽已

成翁

自註宋嘗屬余寄訊顧  
孝廉宸孫處士元凱

遊倦爲朋少名高

反道窮十年得公子青眼欲開矇

寄徐五作蕭

漸遠人情異將歸訊問難煩爲寄徐五鄉夢夜

無端

只二十字而包舉無限

雨中舟行

小船鳴槳動秋雨夜深聞沙岸鼃鼃市天風鷺  
鷗羣驚棲迷宿浦漁火亂回紋孤客轉難寐披  
衣起看雲

答陳生

見君少年時乃在石城陲束髮結賢豪長嘯相

追隨先進亦吹埴後輩亦吹篪我佩金錯刀君  
服文絲袿出門各自別此心常相知十九首  
中語區  
區道傍子馳驅欲爲誰天路三萬里瞻視但徘徊

答任子

夙昔念任生命駕梁園來眉宇果清真相見豁  
塵埃自傷久蹉跎對君翻有懷憶昔建業城陳  
吳日追陪自註吳貴池應箕  
陳陽羨占貞慧也一自貴池死伯牙

絕其徽惟有陽羨生矯首鳴以悲皎皎天漢明

雲露盈我桴起視苦不寐十年照心哀末路得  
任生乃始慰差池譬如雙黃鵠獨翼焉能飛

過澄潭贈蔣合明

開道澄潭市有人託采薇謀身憐道盡漸老覺  
名非碧眼看誰健紫髯獨汝肥十年更相見不  
負舊漁磯

贈戴九韶

自註九韶與余同年

種種侯生髮

只五字已絕

同年愧九韶論文推虎觀

選調得龍標殿閣黃門老

自註九韶黃門子

江湖白社

遥覩星傍膝下光動少微宵

贈戴生

自註戴生孝廉九韶之子黃門之孫

戴生十五齡脫穎何翻翻示我典冊文陸離若  
瓊璠聞其得意時立成千萬言秋實旣云茂春  
華亦以繁詞賦本枝葉經術貴有源

此豈詞賦者能道

乃祖黃門公簪筆紫薇垣一劾武陵相辜負秉  
錢專再劾甄司寇唯諾失平反聖朝大政事兵  
刑煩慷慨願賜對面陳蒼生寃

集中叙置性徃具此

加批鱗死不恨格天語彌溫從古篤裴臣食報

在子孫而父本王謝意乃薄朱門二十有二歲  
賢書早騰騫入獻春明策廟切過秦論兩獻兩  
不收遺恨滿乾坤壯年甘淪落不愧養士恩至  
今侍乃祖風雨種瓜園勗哉爾戴生負荷慎無  
謾世路多鴟梟珍重鳳與鷄

練曰黃門名英登第出韓城相薛國

觀之門以戶部郎改給事韓城與正論不合天下頗有疑者然居言路首陳武陵相楊嗣昌誤國又劾刑部尚書甄淑不能執法平反務以深刻阿思宗意旨乙酉金陵之變家居無仕進志云

### 漫贈二首



四娘逸韻最清真，杜曲行觴惱殺人。  
僥倖城南歌舞地，長安昨日已風塵。

轉憶開元黃四娘，依稀爲說舊平康。  
荔枝紅散海棠盡，惟有溪花撲面香。

陽羨同陳四丈過吳氏隱居

草堂無恙逐溪開，曾到東郊舊隱來。  
老桂解憐悲秋意，踈梅羞入剗鹽材。

自註草堂有兩桂  
三梅皆多年物 陳

君野服容相訪，侯子狂歌更一迴。  
跌宕陽羨祇今

多氣色，遺耆膺詔上金臺。

自註前一日見當事  
薦陽羨人才姓名

寄吳詹事

曾憶掛冠吳市去，此風千載號梅村。  
好酬社日田家酒，莫負瓜時郭外園。  
海汎東來雲漠漠，江楓晚落葉翻翻。  
少年學士今白首，珍重侯嬴贈一言。

一言

練曰詹事吳公偉業也甲申官金陵知天下且有變謝病歸乙酉後野服泛舟吳越

間自號梅村老人當事者薦之公與侯子書陳已之志誓死不出

家書附絕句二首

送別西園翡翠樓，開帆十月到蘇州。  
爲君寄訊

楓橋巷丘嫂迎門已白頭。

太白之駿逸夢得之微婉此兼有之

問君衣帶近如何我道思鄉減去多况是王孫  
芳草外休添離恨畫雙螺

一句一意  
真絕唱也

偶聽絃索後又寄一首

紫馬黃花送我情手調絃索度新聲閨門聽盡  
韓娥曲不比樽前唱渭城

集中絕句風調往往  
可空前後此又其勝

者

陽羨過陳青門廢園

寂莫青門後遺園聽客看秋風生石戶春雨黯  
銅官蛛結蘭亭字烏窺籜葉冠出門無留意回

首夏憑闌

送顧副使弼入楚

舊京西去楚江東，萬里長遊感慨中。古月還窺

神女廟，孤舟直破大王風。

頓挫悲壯

浮沉漢祚終，劉

表伯仲周郎是。呂蒙

上句題外意，下句題中情。吞吐開闔，妙不容言。未許

浮淺人窺測

回首故人勞，望眼莫遲佳信。負春鴻

雜別

歸勉期許，想望具此二語。若看作贈送結句，豈不埋沒作者懷抱。

寄宋學使徵輿

宦遊直到越王臺，始信艱難嶺嶠開。

不必用意，固自妙。

誰使無諸通漢禮果然宋玉是騷才文章自古

銷兵後冠冕還從正朔來

渾而深

北斗十年新氣

象憑君南服一昭回

一感慨却不露

贈武林陳文學

自註文學隱於醫

浙水相逢意轉驚舊遊何處問平生清波漁槩

潮依岸靈隱梵宮磬一鳴

言外悲涼

遠志分明爲採

藥携壺不盡是逃名馮忍君醫濟蒼生手寄與西

陵陸麗京

自註麗京名浙人之望也亦於醫練曰清波以武林門名也靈

上湖

答萬孝廉壽祺直心書畫

萬子爲僧後棲遲又幾年捨家豐沛宅

自註萬彭城人

卓杖海雲煙閒寫蘭亭賣神從阿睹傳

萬爲僧後以書

畫自給猶能憶老友新寄詠懷篇

過江遇彭孝廉廩

往事滄浪裏浮踪白露邊可憐搖落日一共孝

廉船陳夏家何許周徐淚泫然

自註四子皆孝廉同里余故交

也吾徒今後死須使故人傳

窮工極化摹倣者無處問津

弔周太學立勲

如何連袂處不復見平生一代風流盡隔朝壙  
墓平延陵空掛劍洛月想吹笙

自註大學  
嘗遊洛

遲暮

故人老猶憐昨日情

### 君馬黃

君馬黃臣馬驪驪黃各異種種種出遼西

一解臣

馬驪君馬黃子馳我驅從狩無荒

二解驪邪黃邪

來何賒蹄有血痕鬃有沙

三解

### 枯魚過河泣

物生不在貴人生不在賤獨立絕所依進退乃

可羨君不見九龍天矯白帝子翻雲覆雨常託  
水一旦水涸化爲魚洒淚難湔漁父恥

杜鵑行

杜鵑啼血血垂盡云是蜀帝人不信哀魂夢愴  
天帝前願復故形一細認帝笑杜鵑爾何愚爾  
道舊川識爾無各自心知口不言各自努力奉  
歡娛爾今有翅可高飛幸此衆眼尚糶糊

讀至此傷

心殞淚醉者皆醒

若更徘徊思往事轉恐分明射爾雛  
我今憐爾告爾情爾去友雀莫友鷹黃雀雖小



解報恩飽颺蒼鷹快殺人

行路難

與君雖異路不異行路難君遊東海我南山東  
海之水傳已枯南山惟見石巒峴紅猩猩笑我瘦  
蒼狔嘯我寒蒼狔猶自可紅猩猩善人言奇絕我聞  
人言面死灰險巖那能勝衣冠

飲馬長城窟行

朔風吹大荒氈裘雪滿野老將醉後泣復醒牽  
馬更經長城下長城之上月偏明長城之下水

無聲馬耳倒豎嘶不飲轉憶當時舊雲錦

不必有意

哀激而音節自不勝情

### 楊花篇

楊花嘗落水楊花更落衣落衣若有情落水兩

不知

一解

晴日盪輕煙花落絲自牽君看三尺條

絲牽萬里邊

二解

君心輕於楊妾意濃於花相猜

不相離不如絕萌芽

三解

起坐白玉堂倦臥紅牙

床一春九十日總爲爾飄揚

四解

### 御河行

我恨御河不通海

語前有無窮之意在

木蘭依舊帆檣在

當年已自付流波翠華江左虛相待月明嘗見  
故宮遊鱗淚驪珠今十載漢家有水接昆明秋  
風一起洪濤生武帝傳聞多大畧習成素練鎖  
長鯨如何溶溶太液池翻使春陰覆岸移垂楊  
繫馬枝條盡盡是從龍花帽兒

白頭吟

人生感白頭變化何所無昔乃夫棄婦今乃婦  
棄夫

一解

夫本朱門子自矜娶羅敷羅敷悅使君

願隨入上都

二解

還君耳垂珠脫君皎絲襦美衣

遜美食凝脂白玉酥

三解

照君皎絲襦佩君耳垂

珠

更妙

總是嫁時粧安知夫婿殊

四解

### 估客樂

襄陽大估泊江渚夜登我舟爲款語估欲過關  
權稅煩官卽放船吏不許往來吳越八九年昔  
衣錦純今白紵羞過公子沙棠舟不携珍錯携  
雞黍家故有婦高樓居近聞樓下鳴機杼海內  
財盡爲兩多官多吏多茫無緒我言估樂估自

疑我不告估估不知明星欲落言不盡蹉跎與  
估痛飲時估聽一事意轉平估不出錢佐水衡  
田夫總爲開河死估更乘舟河上行

鳴鴈行

候鴈過衡陽飛鳴意轉哀自悔離其羣舉翅觸  
黃埃一啄詎難致稻梁萬里來蒼梧舜所遊淳  
化日悠哉誰言卑濕地須避網羅災我欲鴈回  
翼卽死近舊隈

過唐進士采臣

特地無錫縣停舟問采臣故人餘我在別况金  
君頻春水潮京岸秋山比屋隣爾今懷大業天  
路莫逡巡

寄平涼兄

苦憶風霜地孤懸鴻鴈心邊開秦障盡棧入劔  
門深宦蹟二毛見田園三徑沉幸能寬老父清  
白著朝簪

贈吳漢若

今日澄清士惟君合大羣文章收北極羽翼入

南雲劉表先聲好華歆晚節分感懷知不盡總  
與話殷殷

荷蘭行

錫山顧孝廉宸年四十餘無子家有蘭忽于  
二畹發於一枝觀者皆曰是瑞也已而遂生  
子焉孝廉稱觴進母其友侯子侑之以詩

荷蘭十二畹難得共一枝花開何灼灼所務本

根滋一解種花當種蘭種當庭戶間羣芳競自媚

蘭香襲我顏二解遐心彼美人乃在瀟湘外君子

重馨香采之爲佩帶

三解

相映北堂萱蓀生煖玉

田自茲十二晚歲歲復年年

四解

贈蔣黃門

自註

蔣黃門鳴玉

蹉跎猶豫客老大更吳吟夜到黃門宅秋憐白

髮心

俯仰具足

憶曾交弁角謬許附瑯琳燕翼差池

雨鶴鳴鵲黷陰明公題禁闥賤子泣遺簪豈謂

風雲異同遭稊榆侵江南哀庾信鄴下想繁欽

幸有青暉在莫令碧海沉艱難重握手不覺醉

橫參



寄盛一兄順

金人一夢去西京舊事祇今對盛生曾憶分筵  
梁苑雪轉愁同賦漢林鶯調羹相國餐砂瘴躍  
馬將軍臥石鯨短髮猶能覆聾耳蓬萊近道種  
桑成

夢亡弟

汝到重泉下相依慈母看

真情語不堪多讀

招魂幡帖

帖入夢路漫漫廢宅秋花冷遺書手蹟殘當爲  
課幼子心事在琅玕

贈張經師

再見張生老十年滯此都奇文驚衆眼高性厭  
塵趨越水寒如練吳山翠滿瓠狂醒叫酣醉明  
月照啼鳥

送練三貞吉

送爾輕舸去寒江靜可憐遙瞻梁苑雪晚入楚  
雲天鷺影孤帆遠漁歌短棹前客星鷺歲暮歸  
興如人先無賴尋詩聖有懷藉酒賢神氣飛動狂名  
推我右大畧與誰肩憶昔周京地恰逢漢黨年

書生蒙禁錮皇路惜迤邐九辨徒悲郢三諤乃

去燕仙舟邀李御鸞翮斷稽絃獨洒楊朱淚兼

揮祖逖鞭授餐藏室壁解佩贈韋弦同禍非關

狹忘機却類顛

寫練君意  
氣隱然

家聲渾白壁繼述付

青氈司馬君臣契

徐曰貞吉司馬少子也  
前哀辭有練司馬詩

濯纓

雨露邊當臺爲獬豸去莠必鷹鷂道長崇禎紀

名高萬曆編

筆力開闔只在眼  
前却難於想像

無何開罔寺卽

次領秦川舊塞九泥谷新清翠嶽煙汧花間叱

撥漢文靜嬋娟

形容司馬功  
業處入妙

盡解鏡歌出齊騰

露布箋三羌羣貢屬七枝索能牽志殫風雲會  
功分蕙苾偏黃門專國命藍面煽朝權座近烏  
程相星應彗尾躔

可稱  
詩史

怪蘭當戶拔嫉桂併膏

煎遷謫長沙濕行吟落日淵蹉跎終賈誼滌潑  
失張騫野服慙雙劔官裝少一錢粵中猿嘯仄

嶺外橘霜圓

杜

豈敢忘豐鎬猶然戀澗漚攬槍

紛氣炤猱猱互周旋碧血流精衛丹心感杜鵑  
西京龍更起北闕月重懸老歷中樞重才雄仗  
鉞專不辭敷舜羽直欲正虞璿諸葛羸先病留

侯穀早僊溘焉傷社稷逝矣雜腥羶通籍雷陳

並登朝益契聯忍令清齋老

自註曰徒公號清齋老人司馬同年

相善空想斷金堅

老到復

之子夫何忝修途各勉

旃貧安原憲宅力種邵平田有道碑仍在季方

澤已傳八厨簪奕奕三合鼓闐闐羞建中原壘

猥依廣厦椽草亭玄幾字儉父藁三篇五十年

過半

自註時貞吉年二十七

飄零路滿千

蕭洒自然

浮鷗秋泛

泛照水髮鬢髮瘦信哀棲甚孔融世講連匡床

愁夜短詰旦是離筵

宋曰甲申黨人獄侯子避貞吉家同榻等語並指此

贈曹太僕

自註太僕名溶

近聞曹太僕瀟洒在東山

起妙

卿月雲霄上仙舟

郭李間致身文苑早匡主聖謨艱威鳳曾鳴瑞  
神羊更觸姦塞淵酬罔頌空濶掌天閑幽冀騰  
朝影風雲見一班先幾三徑宵後樂二毛斑殿  
閣終求舊江湖暫乞閒十年懷半刺今喜御君  
還

過彭使君

自註使君字容園

我憶容園久扁舟始一來吳人歸從約梁苑領

四  
才閱歷三江盡傳聞五嶺開相憐弔古意莫  
望鬱孤臺

題容園舟中

一曲清歌試叩舷  
濯纓高寄鏡湖邊  
誰同秋水邀仙侶  
爲御天風濟巨川  
鷗鷺有情隨羽蓋  
魚龍着意近樓船  
伊人定在蒹葭裏  
乘興何妨浩淼前

平望

平望臨河市  
估帆落照斜

思纜一寸  
晴編幾

于家

鸚鵡啄金盃歌

鸚鵡啄金盃有二其下皆注成化字兩赤鸚鵡

棲碧梧兩小青雀交晴視

神情絲理無一不具

天子好尚

動鬼神土泥變化爲金翠

豈尋常鋪寫

更有櫻桃雙

八顆細如粟粒迎風墜是名四妃十六子又爲

太平雙喜事

酣適脫盡拘束

當年憲皇闕前星貴妃持

之獻祥瑞大明遺事有如斯不同人間金玉器

此杯今藏吳氏家傳聞神物頗爲累孝廉死後



歸他人陳生感舊一下淚命酒飲我請爲歌浩  
歌未終發長喟勸君莫飲鸚鵡杯

一轉言外非  
具世變

人非時亦非地灞陵遺老嘗吞聲忍讀開元西

符記

玉堂歌贈蔣學士超

天子新開白玉堂規模不屑漢明光  
曉言草昧待經綸豈獨潤色需文章  
詔選學士坐此堂坐此堂中何輝煌

跌宕

金燈翠旗邀春輦宮燕林鸞

題御墻其中學士誰最賢金沙蔣君方少年面

陳三策帝嘉嘆賜第非關權貴前

借學士有諷

此日

人人看探花曲江之曲酒滿船揮手但謝立身

好王維李白總徒然

用意好

憶我前輩過我拜我

今山野形醜怪學士此日爲大臣何事逡巡夷

門隘開門携手延君坐呼兒東籬剪葵薤

更寫出學

士之賢不止世舊親切

訊問薇省早二毛

徐曰薇省學士父鳴玉也與侯

子少同學前有贈蔣黃門詩

淚下生平轉不快急爲促坐洗

觴親須臾酣醉話重陳願君速酒霖雨新願君

速偃烽燧塵感君世舊贈君語羞殺曲學阿世

人平津自老君自少學士切莫學平津

過江秋詠八首

自註壬辰作

北固濤聲湧帝京南徐秋色滿江城潮連雨霧芙蓉濕日落晴帆燕雀輕豈可新亭終有恨從來故國總關情隣舟更奏清商曲不管霜華旅鬢生

秋原落日炤姑蘇爲問西施更有無一自上流收錦纜幾回遷客弔吳趨多情橘柚垂朱實失意蒹葭冷玉鳧最苦繁華同逝水生公石蘚不

曾枯

攜李雄藩枕大潰乘潮東望氣氤氳鴛鴦湖外  
吳楓盡煙雨樓中越岫分組練一時似織錦樓  
船何日更盛軍自來烏喙傷心地莫使朝京相  
國聞

錢塘江口問仙槎帶粵襟閩一線斜秋森天河  
搖日月水深宮殿守龍蛇誰沉漢使千金璧更  
射潮聲萬里沙南極不妨爲北斗漫開老眼望  
京華

建業平分眇眇愁客心  
日夜大江流鐘聲先到  
臨湖殿暝色偏深結綺樓  
龍虎厓從淮泗合銅  
豐都爲子孫留三秋  
遙想埋弓處不信鍾山主  
氣收

粉紅江上水晶寒  
高並南甌象緯看  
極島風雲  
通蜃市中洋花茜  
領畚官人家  
近日燕仍沸  
曆數乘桴漢有瀾  
底事閒愁綠小  
物荔枝無路到  
長安

新開嶺道已經年  
并建三藩海盡邊  
西望格

遊翠輦南來桂管入蠻烟清猿頻下孤妃淚舞  
象如聞大樂縣誰向宸遊傳往事至今秋月照  
虞淵

武昌高枕控三湘何事虛無託鬼方昨夜楚王  
雲入夢多時屈子芰爲裳洞庭落葉秋逾白鮫  
室空青晚更蒼鴻鴈一聲天際下岳陽盡處是  
衡陽

此與少陵秋興入首果有分別否讀者  
須放開眼孔莫謂今人必不逮古也

越水遇李大元素

俱是梁園客相逢越水濱道窮殊念汝歲晚尚

四憶堂詩集

卷之六

七

依人

沉着含蓄  
有憶有恨

抱膝吟何事讀書悔悞身棄繻

真磊落仗劍卽嶙峋壁握邯鄲趙關開烏鼠秦

自註

元素嘗

遊俠京洛

少年傾劇孟上座倒陳遵慣落南

樓月能生北里春投詩爲意氣刎頸莫遂巡鏡

裏原陵影匣中荆聶塵乾坤陰唧唧日月火燐

燐白髮憂天短青門看雨頰劉伶惟近酒張翰

欲尋蓴賴有江湖興終於眺望親釣舟遙泛穩

菰米嫩烝勺

造語適得箇中  
非少陵不能

踈懶甘藏拙蒼茫

善卜鄰千秋閔草屨一旦老綸巾名姓原狂士

形容想贅民豈知飄泊甚共對詠懷詩忽漫三  
冬盡聊安四壁貧憐君多肺病腰背幾時伸自註

元素時以  
腰疾伏枕

詠史五首

漢家衛子夫乃是平陽姝朝侍公主前跪進蓮  
鬢鬢粧罷賜蛾黃起謝幸自娛卽少陵殘杯冷  
炙意此覺北風華

奕奕

一旦武皇來置酒邸第區清歌奏者衆窈窕

與之俱醉後天耳熱忽聽子夫殊從來遭逢如  
此言外感嘆

千金召入宮翟褕龍文紆簪花上林苑攬鏡昆



明湖

寫來有情有勢

璇宮詠睢鳩前星誕鳳雛帝爲赦

天下大享三日醮平陽是日賀入向椒塗趨再

拜稱皇后垂手但一扶

范睢不得意嘗求事魏齊命爲須賈副出聘不  
敢辭反命忽得罪橫罹筆與笞脇斷但舌存佯  
死委糞泥幸遇咸陽使附車與之西獻策帝大  
悅睢來開我迷易名爲張祿丞相實崔巍氣凌  
六國小俯視函關低氣須賈再來聘肉眼乃不  
知微服過驛舍感舊贈一綈以此得這誅堂下

食蒿藜歸語爾梁王張祿卽范雎妙速斬魏齊  
頭免使社稷墟魏齊遍出走天下無留棲敝籠  
函首來相視何淒淒

英雄當蹉跎亦復躑窈窕

便自高脫

重耳昔出走賤

言齊國好晏安豈不懷鳩毒脾肉早姜氏本婦  
人志畧何了了桑下觴公子極醉不復曉密與  
舅犯謀疾出郎邪道人生圖遠大割愛乃可保

英雄語

君看霸業臣赴時迹如掃

豫讓事智伯嘗懷國士遇三卿連合成騎復卒

致仆一旦責卿頭乃爲飲器污

只似平常語已  
悲慘不可言

感憤不輕死隱忍報讐故曠野哭吞聲白日殿

以暮漆身變我形吞炭變我語得入襄子宮運

去天不祚霸畧自不同竟釋豫生去

出襄  
子好其後

伺出遊徃伏橋下住襄子有老馬驚鳴使士寤

深意兩刺兩不成矢劍本吾素願斬君王衣持

此地下訴士爲知己死卽死猶無斃

孔光本名臣劉歆亦令子並生太平日清華若

玉峙倏忽圖富貴君父輕脫屣

痛河此處着  
宛轉不得温

樹何小心六經有深耻賢者貴守節慎終如其  
始嗟哉歎與光新室竟悞爾

夜泊過姜如須

姑蘇夜泊聽吳趨乃是東海姜如須

起勝

當年過

江第一人何事混作荆蠻民鷄鷄冠上玳瑁簪  
采菱臨水傷客心相期大湖射鳧鴈隨陽之鳥  
不忍侵手攜寸弩袖中藏日坐橋門南望吟君  
尚能射射猛虎出右北平雪風舞李廣一醉老  
蹉跎眼底生花徒自苦

跌宕豪舉言外思深宋  
日如須東海姜如須也舉

四憶堂詩集

卷之六

三

崇禎庚辰進士  
葉官隱居蘇州

寄魏大敏祺二首

魏子文章伯飄零晚更奇  
張衡愁作賦阮籍醉能詩  
老眼觀時拙狂名託我知  
遙憐歲云暮潦倒憶南皮

別後蘇門嘯幽棲孰與聞

自註辛卯同魏子遊蘇門

行藏懷

老爰去住惜離羣舊舍今仍在  
新書晚欲焚馮公頭幸白原不用終軍

四憶堂詩集遺稿目錄

何事

偶作呈宋二

送何三杲

聞蟬和宋二聲

群盜

隋堤

題宋牧仲古竹圖

梁園懷古

原缺